

諸法無行經淺解



釋智諭

撰



釋智諭 撰

諸法無行經淺解

西蓮淨苑出版社印行

國立中央圖書館出版品預行編目資料

諸法無行經淺解／釋智論撰。-- 初版。--臺北
縣三峽鎮：西蓮淨苑，民74
面：公分
ISBN 957-99646-2-9（平裝）

1. 經集部

221.73

84000508

諸法無行經淺解

撰者：釋智論

出版者：西蓮淨苑出版社

地址：臺北縣三峽鎮237

溪東路二一巷卅一弄九號

電話：（〇二）六七一一九八二

傳真：（〇二）六七二二九二四

郵政劃撥／一九五三二一八—七 西蓮淨苑出版社

（國外匯款抬頭：西蓮淨苑出版社）

印刷者：宗學社文化事業有限公司

地址：臺北市富民路一五五巷六一號

電話：（〇二）三〇五九二七五

（〇二）三八一八三〇六

定價：新臺幣 壹佰貳拾元 整

行政院新聞局版台業字第陸伍伍伍號

中華民國七十四年 八月 初版一刷

中華民國八十六年 元月 初版五刷

ISBN 957-99646-2-9（平裝）

簡短介紹

諸法無行經，今天我們所見者，有二種譯本。第一種是姚秦龜茲國三藏法師鳩摩羅什所譯，名諸法無行經，有上下二卷。第二種譯本，是隋朝天竺三藏法師闍那崛多譯，名佛說諸法本無經，計上中下三卷。

按理說佛說諸法本無經既然翻譯較晚，應該內容較前譯本為詳盡。因為依我們的推測，後譯本有前譯本可作參考，內容詳盡似乎是應該的。不過這僅是我們的推測，不能作為定論。

羅什大師究屬不凡，所譯經文，簡捷明了，讀來順利

。所以經過一再考慮，最後我們還是採取了羅什譯本。不過為了便於解釋，我們亦同時參照闍那崛多譯本。

諸法無行經，旨在明第一義。第一義者，在明一切法無非實相，而實相者無相。故於第一義中，一法不立。所謂一法不立者，非是斷滅。而是於相明性，於異明不異。不異者性也，異者相也。法相差異無量無邊，法性空寂妙湛不動。

然性相不一，亦復不異。相不異性，性不異相。相卽是性，性卽是相。不縱不橫，不二不別。何以故？良以諸法皆離自性故。諸法性相因緣而現，皆不可得故。性不可得，相不可得，不可得亦復不可得。以不可得不可得故，立性相假名。故於第一義中，一法不立，一法不捨。雖立

性相假名，而性相皆不可得。如是之法，名第一義空。

世尊大覺，洞徹性相。故於空知無量，於無量知空。於空知無量故，以世諦說法。於無量知空故，以第一義諦說法。今衆生聞世諦，悟入第一義諦，聞第一義諦，悟入涅槃，乃有此經出世也。

若論於無量知空，當知一切法平等，一切法無分別。一切法平等無分別者，卽是畢竟空義，無相義，無作義，無生義，無所有義，無取相義，佛義，菩提義。

欲試解此經，先作簡短介紹如是。

釋智諭書

目錄

簡短介紹		(一)
諸法無行經淺解(卷上)		一
解經題		一
解經文		四
諸法無行經淺解(卷下)		九七

諸法無行經淺解（卷上）

姚秦龜茲三藏鳩摩羅什譯
釋 智 論 解

解經題

「諸法無行經」

「行」者，生滅義，取相義，分別義，有起有作義。所謂無行，是言一切法無生，一切法無相，一切法無分別，一切法無起無作，一切法空。

所謂空者，非是空法，而是空其「見」。若空其見，則不見有不見空，不見性不見相，不見人不見我，不見善不見不善，不見是不見非，不見毀不見譽，不見生死不見涅槃，不見煩惱不見菩提，乃至不見佛不見生。如此一切不見，即見第一義。故佛說離於諸見，是名眞空觀也。此謂之覺，所謂覺後空空無大千也。

凡夫不然，修空觀者，起心觀境。將空境作自心所，以能觀之見，觀所觀之境。所以凡夫之人，觀空觀有，皆是我見，皆是取相。所以觀有固然不空，觀空依然是有見。

以有見故，於是見有見無，見性見相，見人見我，見善見惡，見是見非，見毀見譽，見生死見涅槃，見煩惱見菩提，乃至見佛見生。以如是分別故，乃生憎見愛見，貪見瞋見，順見違見。於是起種種行，造種種業。於畢竟無中，生一切有見。於三界六道，取二十五有。此謂之迷，迷時分明有六道也。佛知一切衆生，皆以有見落入生死，故說此諸法無行經以度衆生。

若論七種立題，此屬以法立題。法與非法，等皆本無，故名諸法本無。「經」者，梵文修多羅，譯曰契經。契者，上契佛理，下契生機。契理契機，功在度化。令衆生度迷證覺也。

「姚秦龜茲三藏鳩摩羅什譯」

晉末五胡亂華，姚萇弑前秦國主苻堅，自立爲王，史稱後秦。姚萇者羌族，赤亭人。本經鳩摩羅什大師，於姚秦時代譯出。

龜茲國名，漢時西域小國之一。在今新疆地方，故址在新疆庫車與沙雅二縣之間。

其實羅什大師祖籍天竺，至父親一代，始遷龜茲。

父鳩摩炎，世居天竺，名重當時。因避相位，遁世出家。度葱嶺，至龜

茲國。龜茲王以妹妻之。

懷羅什時，其母神悟超解，倍於平時，羅漢達摩瞿沙曰，此女必懷智子。生二子後，母樂出家。其夫未允，乃絕食以明志。至六日夜，一息奄奄，其夫大懼，乃遂其志。羅什年七歲，亦隨母出家。

其母樂禪，得證初果。後至天竺，進登三果。羅什從師受經，日誦千偈，約三萬二千言。

後其母携羅什至罽賓（即今克什米爾）。羅什先務小學，後習大乘。聞說諸法空無相義，慨然歎曰，我昔學小乘，如人不識金，以鑱石爲妙也。乃廣求大乘義要，受誦中、百、十二門論等。

羅什於寺內讀放光經，魔來爲障。障蔽其文，令不得見。羅什知爲魔所蔽，於是誓心愈固。魔不得便，隱避而去，文字乃顯。

苻堅久聞羅什名，乃於建元十八年九月，遣驍騎將軍呂光，率兵七萬，伐龜茲求羅什。

呂光破龜茲得羅什。輕其年少，強以龜茲王女妻之。苦逼之下，羅什乃失戒行。

呂光還軍，行至涼州，聞苻堅已爲姚萇所害。於是竊稱號於關外。

後秦姚興及位，於弘始三年五月，西伐呂隆，迎羅什入關。羅什大師乃於秦弘始三年十二月二十日，至於長安。姚興待以國師之禮，優寵備至。并請羅什入西明閣及逍遙園，從事譯經。諸法無行經，即於彼時譯出。

解經文

「如是我聞。一時佛在王舍城耆闍崛山中。共大比丘僧五百人俱。菩薩九萬二千人。其名曰衆德莊嚴菩薩摩訶薩。師子遊步菩薩。光無障淨王菩薩。高山頂自在王菩薩。愛喜淨光菩薩。光蔽日月菩薩。妙淨鬚菩薩。身出蓮華光菩薩。梵自在王音菩薩。遊戲世師子王音菩薩。金色淨光威德菩薩。柔軟身菩薩。金色相莊嚴身菩薩。十光破魔力菩薩。諸根威儀善寂菩薩。德如高山菩薩。天音聲菩薩。法力自在遊行菩薩。山德淨身菩薩。妙德菩薩摩訶薩。如是等九萬二千人。」

此係證信序，以六種因緣，成就證信。即信因緣（如是），聞因緣（我聞），時因緣（一時），主因緣（佛），處因緣（在王舍城耆闍崛山中），衆因緣（共大比丘僧等……）。以此六種因緣成就證信序，故又稱之爲六種

成就。

如是我聞。如是之法，係我從佛所聞。此係結集經人之語。表此非我杜撰，亦非道聽途說，係佛說無疑。佛將取涅槃，阿難以四事問佛。其一即佛滅後，結集佛所說經時，經首應按何語？佛言經首應按如是我聞，一時佛在某處，與某些大眾宣說是經。

一時，表說經之時也。

佛，此有通稱別稱之別。通稱者，十方如來，皆名爲佛。所謂自覺覺他覺行圓滿名佛。或過盡德圓名佛。或除二障（煩惱障、所知障），空二我（人我、法我），了二死（分段死、變易死），名之爲佛。此皆通稱，以通十方佛故。別稱者，此佛字即稱本師釋迦牟尼佛，是爲本經說法之主。

王舍城，在中印度摩伽陀國。佛世時，頻婆娑羅王建都於此。向有多說，其中一說云頻婆娑羅王舊都上茅城，因上茅城患火，故設都於此，是名王舍城。

耆闍崛山。譯靈鷲山，在王舍城東北十里處。

大比丘僧。出家受具之男衆名比丘，女衆名比丘尼。比丘有三義，即乞

士、怖魔、破惡。

大有三義，即大、多、勝。大者，謂其德臘俱尊。爲人天所敬，於小乘有學人中最尊。多者，謂其解多，遍解內外諸經。勝者，謂其知見殊勝，勝過九十六種外道知見。

僧，是僧衆，又名僧伽、僧團、僧祇。準律四人以上名僧，四人、五人、十人、二十人，乃至百千人皆名爲僧。因爲比丘四人方能作羯磨故。如是大比丘僧，有五百人俱。

行菩提道的衆生，名菩提薩埵，簡稱曰菩薩，菩薩譯爲覺，或道。薩埵譯爲有情，或衆生。故菩提薩埵者，覺有情也，或大道心衆生也。覺有情者，既已自覺，復能覺悟衆生。換句話說，聲聞緣覺二乘人，已經自覺，然不能覺他，菩薩者，自覺復能覺他，然覺行尚未圓滿。如果自覺、覺他、覺行圓滿便名爲佛。如是菩薩，有九萬二千人。

其中妙淨「鬚」菩薩，諒係妙淨「髻」菩薩之誤。

「爾時師子遊步菩薩。見是大會卽從座起。偏袒右肩右膝著地。合掌向佛。以偈問曰

世尊大導師	名德稱無量	今此大衆集	願說寂滅法	邪見諸愛慢
嫉妬瞋恚性	云何卽是道	大音方便說	云何涅槃相	與世法無異
諸法無有二	大悲為演說	云何諸法性	畢竟無有礙	其性如涅槃
亦同於解脫	無縛亦無解	亦復如虛空	迦羅頻伽音	大梵清淨聲
身色喻天金	淨命無量德	演說實相法	畢竟無縛解	云何此五蓋
而等於菩提	云何是菩提	卽同諸業性	是法是非法	云何同一相
如是畢竟淨	唯願為演說	無數無非數	諸法畢竟滅	一切種智相
及以菩提道	二法云何無	惟願為演說	無作無非作	無著無非著
畢竟無衆生	諸法中無礙	無戒無忍辱	亦無有毀戒	無智亦無慧
亦無非智慧	是法常清淨	惟願為演說	云何一切法	寂滅如虛空
無心心數法	無見斷證修	一切諸衆生	同如虛空相	一相法亦無
心行亦卽得	諸法無生滅	無學無羅漢	亦無辟支佛	亦無求菩薩
無住無休止	無來亦無去	諸法無動相	常住如須彌	無相亦無色
色性卽是道	色性佛道一	如是法願說	云何無佛法	亦無有衆僧
是三寶一相	惟願為演說	無空無無相	亦無有無作	不合亦不散

名相法亦無 諸法畢竟空 如響無作者 無生無無生 無滅無往來
 無天無龍神 夜叉緊那等 無人無地獄 無餓鬼畜生 無衆生五道
 願說如是法 如導世師人 外道非見者 其有所演說 云何等無二
 諸文字語言 是法皆一相 世尊大慈愍 願開是法門」

爾時師子遊步菩薩，於大會中，發起啓請於佛。以下偈頌，便是師子遊步菩薩啓請的問題。

首偈先稱讚於佛，然後表明欲請說寂滅法。寂滅法者，即是畢竟空法，無相法，無生法，第一義諦也。

以畢竟空故，所以諸法無二無別。非是師子遊步菩薩不知而問，乃菩薩大慈大悲，欲利益法會大衆，及末世衆生，乃請問於佛也。

邪見諸愛慢，嫉妬瞋恚性。邪見者，即是無明。佛藏經云，邪見者即我見人見衆生見壽見命見。簡單說邪見即是痴也。

愛即貪愛，慢即我慢。與第二句嫉妬瞋恚合而言之，即貪瞋痴三毒也。世尊曾說貪瞋痴性，即是菩提性。今師子遊步菩薩，爲是而問。大音者稱佛也，佛清淨音聲，遍滿十方，故曰大音。願佛方便爲我等演說。

云何涅槃相，與世法無異。世法者，生滅法也。佛曾說生死即涅槃。爲何生死涅槃，性無有二，願大悲世尊爲我等演說。

云何諸法性，畢竟無有碍。佛曾說一切法性空，畢竟涅槃，畢竟解脫。只要深達法性，不必另求涅槃，另求解脫。這是何道理？一切法無縛亦無解，皆等同虛空。迦羅頻伽音，是佛音聲。迦羅頻伽，亦譯爲迦陵頻伽。是一種鳥，鳴聲極爲美妙。大梵清淨聲，梵天音聲極爲清淨也。

身色喻天金。讚佛語業清淨以後，復讚佛身意二業清淨。佛身闍浮檀金色，闍浮檀金色者，紫磨金色也。紫者其金有一層紫色光焰，磨者清淨也。淨命無量德，讚佛意業。最後請佛演說實相法，實相法者，即寂滅法也。云何於實相法中，無縛無解呢？

云何此五蓋，而等於菩提？佛曾說五蓋性即菩提性，菩提性即同諸業性。這是何道理呢？五蓋者，貪欲蓋，瞋恚蓋，掉悔蓋，睡眠蓋，疑蓋。此五法障蓋行人之眞如法性，故曰五蓋。

是法是非法，云何同一相。佛曾說一切法與非法，同是一相，所謂無相。如此一切法畢竟清淨，是何道理？唯願世尊爲我等演說。

無數無非數，諸法畢竟滅。數者數量也。心所法亦曰心數法。引申含義，即一切有，或一切相也。師子遊步菩薩問曰，一切法有或無，有相或無相，悉皆寂滅相，是何道理？

一切種智相，及以菩提道。一切種智，是佛智也。佛智方便說有二，一者無分別智，二者差別智。差別智即一切種智，菩提者即無分別智。因為菩提者，空智也。故曰了達於空性，即名為菩提。以空性故，是知菩提即無分別智也。然於第一義，無如是分別。故曰二法云何無，惟願為演說。

無作無非作，無著無非著。作是起義，一切法無起無不起。無有所著之法，亦無非所著之法。因為一切法畢竟空故。所以接着說畢竟無衆生，諸法中無碍。此處所謂衆生者，非謂六道衆生也。而是凡因緣生法，皆名衆生法。何故說畢竟無衆生呢？即是說因緣所生法，我說即是空也。諸法中無碍，即是諸法空無碍的意思。

無戒無忍辱，亦無有毀戒，無智亦無慧，亦無非智慧。因為一切法畢竟空故，無能所故。所以無持戒犯戒、能忍所忍，無智慧無愚痴。師子遊步菩薩問，這究竟是何道理呢？故最後問佛言，是法常清淨，唯願為演說。